

辛未司諫高孟英等啓曰前正言李仲虎臣等啓請出仕而憲府以失體論逆仲虎臣等亦未免相容之失請逆答曰勿辭憲府啓曰諫院既容失體之同僚又不論官寺之弊默無一言循例辭避至為苟且固難在職大司諫金鎧以下請並遞答曰如啓○以鄭宗榮為嘉善善大夫工曹叅判特命陞授成世章為司諫院大司諫李潤慶為承政院都承旨李希儉為司諫院司諫權信為獻納黃瑞為弘文館副校理宋鏞為司諫院正言○日暈壬申夜巽方坤方有氣如火

癸酉日暈夜月暈

甲戌日微暈夜月暈

乙亥上召對○日微暈

丙子上召對○都承旨李潤慶以衰疾請解劇地不允

丁丑上御夜對

戊寅日微暈四方沈霧夜月暈黑雲如氣二道自巽方至西方布天幃時而滅